



सानसेयारि **“बड'सा”** खरीरालाइयाव
खमाजयारि जिज्जो लोब्बा थानाय रायथाय, खन्थाय,
खल', खल'बाथा आबो दावबायारि थावनि, पार्क
बाइदिनि स्यायव लिन्नाय लिन्निदाँ दैथाय हर्/
सानसेयारि **“बड'सा”** खरीरालाइया सेबखानाबै
फोसावगोन/
बड'सायाव लिन्निदाँयनि हुडा खालाम,
“बड'सा” खरी नोथाँ, जौ बयबो आंगो खालाम/
सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Monday ★ 2 June, 2025 Kokrajhar, BTC, Assam ★ Vol.-35, Issue No.68 ★ R.N.I.Regd.No. 40994/91, Assam Govt. Regd.No.IPRD. 40/2006/3, Rs.8/-

रन्जन शर्मा आ राइज्योनि गोदान बिसायख 'थि आयगगिरि महैरै समायखिरा लाबाय



मुसलपुर, 1 जुन: आसाम राइज्योनि गोदानै बिसायख 'थि आयगगिरि महैरै साइख 'जानाय रन्जन शर्मा आ दिने राइज्यो बिसायख 'थि आयगगिरि महैरै समायखिरा लाबाय। गुवाहाटीनि राज भवनआव मोनसे हाबाफारि खुंनारनि गेजेरजौ आसामनि राइज्यो बैंगिरि लक्ष्मन प्रसाद आचार्य आ रन्जन शर्मा खौ राइज्योनि बिसायख 'थि आयगगिरि महैरै समायखिरा लाहोदों। हाबाफारि जागायनारनि सिगां आसाम (□ 6 बिलाइआव)

मिरु एबसुनि 57 थि बोसोरसालिया जथुम्मानि आद्रा थानाय थान्दै मेलखौ फैगौ 3 जुनआव खुंसिगोन

कक्राझार, 1 जुन: मिरु दुलाराय बर' फरायसा बोसोरसालिया जथुम्माखौ खुंनार जादोंमोन। बे आफादनि जानो गोनां थान्दै मेलखौ फैगौ 3 जुन, 2025 अक्ट'खालि बड'लेण्ड मुलुग सोलौंसालिनि जोहोलाव निलेस्वर ब्रह्म अडिटोरियम हलआव खुंफिननो थाखाय थि खालामनाय जाबाय। मख'नाय जायोदि, थानाय 13 मार्चनिफ्राय 16 मार्चसिम कक्राझार जिल्लानि सिझव थानाय दतमानि बड'फा फोथाराव मिरु दुलाराय बर' फरायसा आफादनि 57 थि (□ 6 बिलाइआव)

मावफुं सोद्रोमा राकेश ब्रह्म आ मुलाम्फायारीफोरनो हांसो फिसा, ना फुवान आरो आदार रान्नानै होदों

बड'सा थान्दै/मुसलपुर, 1 जुन: बिटिआरनि मावफुं सोद्रोमा राकेश ब्रह्म आ राइजो-राजाफोरनि थाखाय बाख्नायथाव खामानि मावदों। बिथाड मावफुं सोद्रोमा बिबान लानायनि उननिफ्रायनो मुलाम्फा मोनग्राफोरनो बायदि रोखोमनि बेसादफोर रान्नानै होबोदों। जुनाद फिसनाय आरो ना फिसिग्रा बिबानखौ मोननारनि उनाव, गोबां हौवा- (□ 6 बिलाइआव)



इउपिपिएलआ हारसिं बिसायख 'थि गेलेयोब्बा सालाकाथि बियाबआव बिपिएफनि थाखाय पेक्टर नडा: देरहासार बसुमतारी



कक्राझार, 1 जुन: बिटिसि बिसायख 'थिआ खुंजानो गेजेरव 4 दानफोरसोल' सम दँसै। बे हिसाबै सिगांनि बिटिसि खुंथाइनि गोहोआव थानाय बिपिएफ राजखान्थि दोलोआ बे खेबनि बिसायख 'थियाव बांसिन मासि देरहानानै फिन बिटिसिखौ दखल खालाम फिनारनि मिजिंजौ बिसायख 'थियाव गोखोडै बाहागो लानो जान्जि खाफ्रादों। बिटिसिनि गुबुन-गुबुन बियाबफोरव बिपिएफ दोलोआ जैरैबायदि राइजो-राजाफोरखौ लानानै बिसायख 'थियाव देरहानारनि थांखिजों दोलोखौ गोखों खालामनो थाखाय खामानि मावगासिनो थादों बेबायदिनो कक्राझार जिल्लानि 12 नं सालाखाथि बियाबआवबो जिरायनानै (□ 6 बिलाइआव)

थायाखै बिपिएफ दोलोनि दैदेनगिरि मावथिफोरा। बबेखानि 12 नं सालाकाथि बियाबआ बे समआव बिपिएफनि आखाइआवनो दँब्लाबो फैगौ बिटिसि बिसायख 'थिनि थाखाय साखा-फारा जादों बियाबनि एमसिएलए देरहासार बसुमतारीआ। बेबायदिनो (□ 6 बिलाइआव)

हाग्रानि मैदेरा सासे दुखुथिया आइजोनि न' सिफायलानायजों लोगोसे माइ-माइरं जालादों

सिमला, 1 जुन: बाक्सा जिल्लानि 22 नं कक्लाबारि बियाबनि सिझव थानाय गुरुमारा गामिनि महिनि बर', दिहिरा (बालाबारि) गामिनि रतनेस्वर मुसाहारि आरो महेस्वर दैमारनि न'आव (□ 6 बिलाइआव)



39 नं पासनै सेरफां बिटिसि बियाबआव बिपिएफनि ख'हा बिपिएफनि सा 14 सोद्रोमाफोरा इउपिपिएलआव हाबफैदों

माजबात, 1 जुन: सोलिफु बोसोरनि फैगौ सेपेम्बर दानाव बिटिसि बिसायख 'थिया खुंजागोनखौ नोजोर होनानै दासान्दि बिटिसि हालामआव गुबुन-गुबुन राजखान्थि दोलोफोरा सोद्रोमा थिसन्याय आरो दोलोखौ गोखों खालामनारनि थाखाय थाद'नाय गैयै खामानि मावगासिनो थादों।



बिटिसिनि मोनै गोहो गोर ओन्सोलारि राजखान्थि दोलो इउपिपिएल आरो बिपिएफ दोलोनि अनगायैबो हादरारि थाखांनि राजखान्थि दोलो भारतीय जनता पार्टी आरो कांग्रेस दोलोआबो बे खेबनि बिटिसि बिसायख 'थियाव गोखोडै बाहागो लानारनि थांखिजों (□ 6 बिलाइआव)

पानेरि बिधान सभा बियाबआव गुबुन-गुबुन बिथांखि बेखेवदों आसाम आयेन आफादनि बुंथिगिरि बिस्वजित दैमारीआ



पानेरि, 1 जुन: पानेरि बिधान सभा बियाबनि एमएलए थामहिनबा आथिखालआव आसाम आयेन आफादनि बुंथिगिरि बिस्वजित दैमारीनि थाद'नाय गैयै जौगालु खामानि। गावनि पानेरि बिधान सभा बियाबआव जिरायनाय गैयै गुबुन-गुबुन गोबांथार जौगालु बिथांखिफोर मावफुंनारनाय मुखुबै नांथाबदों बिस्वजित दैमारीआ। थानाय माखासे दानफोर सिगांनिफ्रायनो गावनि पानेरि बिधान

सभा बियाबनि सिझव थानाय गुबुन-गुबुन ओन्सोलफोराव लामा-दालां, बान्दो बायदिखौ लुफुनानै होनारजों लोगोसे गोबांथार जौगाथाइयारि बिथांखिफोर मावफुंगासिनो थानाय नुनो मोनदों। बेबायदिनो आसाम सरकारनि समाज अन्साइ बिफाननि रांखान्थि बाजेजों पानेरि बिधान सभा बियाबनि सिझव थानाय दाब-दाब गामिफोराव थानाय माखासे सानफोर (□ 6 बिलाइआव)

बारग' बिएलटि सोद्रोमाफोरनो आसाम सरकारनिफ्राय रांखान्थि अन्सुंथाइ होनो थांखि

बारग' बिएलटि अन्साइ आफादआ सरकारनिसिम गोजोन्नाय फोरमायदों

कक्राझार, 1 जुन: थानाय 2003 माइथायआव बिटिसि गोरोबथा जानारनि उनावो बिटिआरनि बाइजोआव थानाय जायफोर बारग' बिएलटिनि सोद्रोमाफोर, बिथांमोननो आसाम सरकारनिफ्राय रांखान्थि अन्सुंथाइ होनो थांखि लानायखौ फोसावदों। बिटिसि गोरोबथा खालामनाय बारग' बिएलटिफोरनि सोद्रोमाफोरखौ मान होनानै रांखान्थि अन्सुंथाइ होनो आसाम सरकारनि थांखि लानायखौ गोजोन्नाय फोरमायदों बिटिआरनि बाइजोआव थानाय बारग' बिएलटिनि सोद्रोमाफोरा। बिटिआरनि बाइजोआव थानाय बारग' बिएलटि अन्साइ आफादनि क'-अरडिनेसन कमिटीनि आफादगिरि सान्तानु बसुमतारी आरो नेहाथारि बिस्थिराम नाजरीआ रदाब बिबुंसारनि गेजेरजों फोरमायहरदोंदि, थानाय बृहस्पतिबार खालि गुवाहाटीनि बड'लेण्ड भवनआव (□ 6 बिलाइआव)

बड'लेण्ड खौरांगिरि गौथुमनि गोदानै साइख 'जानाय बिबानगिरिफोरा समायखिरा लानायजों लोगोसे बिबान आजावबाय

आफादगिरि महैरै शंकर चौधुरी आरो गाहाइ नेहाथारि महैरै रमेन दासआ बिबान आजावबाय

तामलपुर, 1 जुन: बड'लेण्ड खौरांगिरि गौथुमनि गोदान आफादगिरि महैरै गसाइगाव प्रेस क्लाबनि शंकर चौधुरी आरो गाहाइ नेहाथारि महैरै तामलपुर प्रेस क्लाबनि रमेन दासजों लोगोसे गोदानै साइख 'जानाय गासै बिबानगिरिफोरा दिने समायखिरा लानायजों लोगोसे बिबान आजावबाय। मख'नाय जायोदि, थानाय 27 आरो 28 मे खालि सानैनि हाबाफारिजों गसाइगाव प्रेस



क्लाबनि आलासि जिरायसालियाव खुंफुंजानाय बड'लेण्ड खौरांगिरि गौथुमनि 5थि नै बोसोरारि जथुम्मानि गेजेरजों गसाइगाव प्रेस क्लाबनिफ्राय रमेन दासखौ गाहाइ नेहाथारि महैरै साइख 'नानै गोदान आफाद दाफुनानै लानाय जादों। बेनिनो असिलायै दिने तामलपुर प्रेस क्लाबनि न'ब्लाखव बड'लेण्ड खौरांगिरि गौथुमनि गोदान आफादनि बिबानगिरिफोरनि समायखिरा लानायजों लोगोसे बिबान गथाइनाय हाबाफारि खुंफुंनार जायो। (□ 6 बिलाइआव)

सुजुगिरिनि खोलोम

ना-साम' खांखाइ

सिगां समफ्राव हाख'र-हाला, गरखायनिफ्राय लानानै दैमा-दैसा, बिलो, फुखि, जाम्फै, दुब्लि जेरावबो दै थानायमोन। जेराव दै गाखोया बेफोरबादि हायावबो फिसा-गिदित बान्दो थेनानै दै सोनानै आबादिनि थाखाय गाहाम खालामनानै लानायमोन। बेफोरबादि ओन्सोलावनो ना-साम', खांखायनि आंखाल नुजायामोन। मोनफ्रोम दै थानाय हाख'र-गरखाय, दैसा, जाम्फै बिलो आरो ओरैनो बोहैलांगरनाय दैफ्रावबो ना-साम'-खांखायनि आंखाल नुजायामोन। खालिबोल' गोनांथि जायोमोन हमनानै लाबोनायनि। न। हमनो थाखायबो गोदो-गोदायनिफ्राय बाहायनानै फैनाय सेन, खखा, खाखि, जेखाइ, पल' फोरजोनो सानानै हमनानै सल, बार्लिं, नाझाइ, बोथिया, सिंगि-मागुर, थुरि-बामि, फिथिखि-मावया ना एग्रे-बेग्रे मोन्नाय आरो मोनजानायनि बोथोरा माबा लांखायावनो गोमालांबाय। अधिखालाव दसै टाउन-सहर, हाथाय-बाजाराव दाब-दाब राइज्यो आरो बिलोफोरनिफ्राय लाबोनाय नाफोरजोनो ना ओंखिनि आइटेमखौ फोलोमनांगौ जानानै फैयो। सुबुं देहानि थाखाय नानि गोनांथियाबो एसेल' नडा। नाथाय मोन्नांगौयासो गोब्राब जानानै फैबाय। नानि आंखाल फोलोमनो राइज्योयाव बोसोरे बोसोर गुबुन गुबुन राइज्योनिफ्राय लाबोनानै नानि आंखालाखौ फोलोम फैनाय जायो होन्नानै मिबथि मोनो।

ना-साम'-खांखाय गोमालांनयनि जाहोन एबा जोबनानै थोब्ले-माब्ले जानायनि गुदिखौ गोबाडानो बाइदिसिना जाहोन आरो बिजाउन होन्नानै फोरमायबोदों। बेफोरनो जाहैबाय दैसा-जाम्फै, बिलो, हाख'र-हालाफ्रा लासैयै सानफा-एफा खोखांबोनानै दै थायै जानाय आरो बिलो बेहेर बारिफ्रा गोमालांनयजों लोगेसे बेफोरनि बांसिनो दडब्लाबो दै गैयै थायै जानानै फैनाय। दै गैयाब्ला ना-साम'-खांखायफ्रा बबेनिफ्राय थाफैनो आरो बोरै फोलेर एरनो। फासैंथिं मिथिंगा बिखायाव सिगांनि बादि अखादैजों आवुं जानानै थालिया। दैज्तां बोथोराव अखा हानानै थानाय दैयाबो दैज्तां बारनाय लोगो-लोगोनो राननानै गोरान जालाडो। गुबुन मोनसे जाहोनखौ दैज्तां हाबनाय लोगो लोगो अखा हादैनि जावरिनायजों जेराव बिलो,दैसा-जाम्फेफोर दं बेफोर दैसा बिलोफ्राव फुवान होनाय ना आरो बिदै गोनां नाफोरखौ गोबों जेजों बोखानाय आरो मुलि-बिषो होनानै हमनायाव नानि जोलै एरनायाव हेंथा फैनायखायनो ना-साम' खांखायनि बिबाडा सानफा-एफायैनो बाडाय जाबोनानै आंखालनि महर लाफैदों।

मिथिंगा बिखाया बिफां-लाइफां, हाग्रा-बेंग्राजों थाजिम सोमखै महरै थायोब्लासो अखा-बांखा हानाय आरो बैसोमुथि बिखाया थाजिमै-थानो हागोन। अब्लासो दैसा, बिलो हाख'र, हाला, जाम्फैफ्रावबो दै बोहैगोन-ना साम', खांखाय आरिफ्राबो दैयाव थानानैनो फोलेर एरहोनायनि खाबु मोनगोन अब्लासो फारफ्रोम बिथिनि थाथाया सरासन्सायाव फैफिनगोन। ना-साम'-खांखायनि आंखालखौबो एफा-एनैयै फोलोमनायनि लामा मोनफिन्नायनि राहा थाहैगोन।

दिनैनि फान्जामुथि

राशि बाइदियै मुंनि गिबि हांखो

मेषः अ ल	वृषः ऊ ब (उ ए इ)	मिथुनः क छ (ड घ)
कर्कटः ड ह	सिंहः म ट	कन्याः प ठ (ण ष)
तुलाः त र	वृश्चिकः ब न	धनुः ध भ (ढ़ फ)
मकरः ख ज	कुम्भः ग श (स)	मीनः द च (ख ज झ)

मेघः

मोनफ्रोमबो खामानि दामानिफ्राव खस्ट मोन्नो हागौ। गोसोखौ लोरबां दाखालाम।

वृषः

गोसोनि सान्नायफ्रा जाफुंसारनाय नडा। गोसोखौ हमथानानै थानाया मोजां।

मिथुनः

गावनि अलसियानि थाखायनो मोनफ्रोमबो खामानिफोग जाफुंनाय नडा। गावनो गाव सांग्रां जा।

कर्कटः

दिनै दिनखौ रंजा-बाजाजों बारहो हरनो हागौ। गोसोखौ गोजोन्नाय मोनगोन।

सिंहः

मानिबा दुखु दाहाफोर दंब्ला गुबुननो फोरमायोब्ला गोसोखौ गोजोन्नाय मोन्नो हागोन।

कन्याः

माबा मोनसे मिजिं थिनाय दंब्ला जाफुंसारनो हागौ। मोजां सान।

तुलाः

गुबुन जायगाफ्राव दावबाय हैनो मोन्नो हागौ। गोसोखौ गोजोन मोनगोन।

वृश्चिकः

नख'रनि जेनाफोरखौ लानानै जिंगा सिनांनो हागौ। गोसोखौ सान्थि मोन्नाय नडा।

धनुः

मेगननि बेशम सोमजिनो हागौ। मेगनखौ सांग्राडै लाखिनाया मोजां।

मकरः

माखौबा लानानै गोसोखौ गोजोन्नाय गैयै मोनगोन। गोसोखौ हमथा।

कुम्भः

देहायाव सानाय-सुनाय सोमजिनो हागौ। रांखावरि खहा जागोन। सांग्राडे था।

मीनः

हरखाबै माबाफोर मोन्नो हागौ। गोसोखौ गोजोन मोनगोन। मोजां सान।

सा-सान्जा भारतआव गिख्रंथाव अखा, दै बाना आरो हा गिसिखानायनि जाहोनाव साननैयाव

सा 30 सुबुंनि जिउ गोमाबाय, आसामआव थांनाय 24 घन्टायाव सा 8 सुबुंफोरनि जिउ गोमादों

गोदान दिल्ली, 1 जुनः भारतनि सा-सान्जा राइज्योफोराव अखा हाबाय थानाय आरो हा गिसिखानायनि जाहोनाव थांनाय साननैयाव सा 30 सुबुंनि जिउ गोमाबाय। 1 जुनखालि हा गिसिखानाय आरो हरखाब दै बानाजों सा 14 सुबुंफोरनि जिउ गोमादों। आसाम, अरुणाचल प्रदेश, मेघालय, मिजoram आरो मणिपुरआव हा गिसिखानाय आरो दैबानाजों गोबाडैनो गोहोम गोग्लैदों। आसामनि दर 12 जिल्लाफोराव बाडायैबो सा 60,000 सो सुबुंफोरा गोहोम गोग्लैनां दों। आसामआव हरखाबै दैबाना आरो हा गिसिखानायनि जाहोनाव सा 8

बांलादेशआव हिन्दुफोरनि सायाव

अनागारि खालामदों, गं 20

न'फोराव लुथिनानै अर सावदों



ढाका, 1 जुनः बांलादेशआव हिन्दुफोरनि सायाव अनागारि खालामनाया सोलिगासिनो दं। जेशर जिल्लानि दहरामशियाहाटी गामियाव हिन्दु हारिनि गं 20 न'फोरखौ लुथिनायनि उनाव अर सावना होदों। बोलि जानानायफोरा अरआव थानाय गासैखौबो खोमाना लानांदों। न'फोरनिफ्राय नोगोद रां आरो सनानि गहेनाफोर लुथिनाय जादों आरो गाग्लोबनाय जाथायफोर जादों। बे गाग्लोबनायाव आइजोफोरजों लोगोसे सा 10 सुबुंफोरा जोखोम जादों। गाग्लोबग्राफोरा गंसे थानसालिखौबो नोजोर होदों। बे समावनो, सुन्दरली हाथाइयाव गंनै गलायाव अर सावनाय जादों आरो गुबुन गंनैखौ खहा खालामदों। गुबैयै 22 मेखालि सासे जायगागारि बि.एन.पि. दैदेनगिरि तारेकुल इस्लामखौ जेशर जिल्लानि दहरामशियाहाटी गामियाव नांलायनायाव बुथारनाय जादोंमोन। बुथारनायनि उनाव, बैयाव थाग्रा हिन्दु हारिनि न'फोरखौ नोजोर होनाय जादों। भुगिनांनय सुबुंफोरा दाबि खालामदोंदि, बिसोरखौ जेबो जाहोन गैयाजासे अनागारि खालामनाय जादों। बे समावनो मानिकगन्ज जिल्लानि देभी कालीनि थानसालियाव अर सावनाय जादों। मागुरा जिल्लायाव गाग्लोबनायनि उनाव हिन्दु हारिनि न'फोरखौ लुथिनाय जादों। हेंथा दिन्थिफुंनायाव गुबुन गुबुन आफादफोरा ढाकायाव नेसनेल प्रेस क्लाबनि मोखाडव सुबुं चेन दिन्थिफुंंदोंमोन, जाय गेजेरारि सरकारनिफ्राय जाथायफोरनि थार बिजिरनायनि दाबि दैखंदों। बांलादेशनि गोबां राजखान्थियारि दोलोफोरा डिसेम्बरसिम बिसायख'थि खुंनो गावसोरनि दाबिखौ फिन खेबसे बुंफिन्दों। बिथांमोनहा जापाननि बिसायख'थिनि सोमोन्दै गाहाइ बोसोनगिरि महम्मद युनुसनि बावैसो होनाय बिबुंथिफोरखौ नेवसिगारदों, जेराव बिथाड बुंदोंमोनदि, मोनसे दोलोनि अनगा रावबो डिसेम्बराव बिसायख'थि लुबैया। बि.एन.पि.नि दिदोम आफादिनि सोद्रोमा मिजां अब्बासआ गेजेरारि सरकारखौ गोख्रोडै गाग्लोबनानै बुंदोंदि, बेयो खर'निफ्राय आर्थिसिम गाज्जि। बिसोरो उनाव फोसाबनाय आरो बिसायख'थिनि बाश्त्रा बुडे। जुदि बिसोरो गु दानाव बेखौ मोनफुंनो हायाब्ला, बिसोरो गु बोसोर एबा 90 बोसोराव बेबायदि खालामनो हानाय नडा। बिसोरो हादरनि खाथियाव निमाहा बिनांगौ आरो बिबान एंगारनांगौ।

इलन मास्कनि सायाव ड्राग्स लानायनि अजद

वाशिंग्टन, 1 जुनः टेस्लानि बिगोमा आरो डिअजिइनि आगुनि गाहाइ इलन मास्कनि सायाव सम-सम ड्राग्स लानायनि अजद सिखांबोबाय थानायखौ नुनो मोन्दों। आमेरिकानि खौराडाव फोरमायनाय बायदिब्ला, जेब्ला डनाल्ड ट्रम्पनि खुंथाइआव डिपार्टमेन्ट अफ गर्भनमेन्ट एपिसियेन्सिनि गाहाइमोन। अब्ला बै समाव केटामाइन, एबस्टसि आरो साइकेडेलिक मस्चुम बायदि मुलिफोरखौ लान्थियै जाबाय थायोमोन। नाथाय इलन मास्कआ बे



अजदखौ ओंथि गैयै होन्ना फोरमायदों। शनिबारआव शसियेल मिडिया एक्सआव मास्कआ फोरमायनाय बायदिब्ला, आं दिनैसिम ड्राग्स

लाफेराखै, खौरंगिरिफोर नंखाय बाश्त्रा बुंगासिनो दडा। आं माखासे बोसोरनि सिगां प्रिसकैप्सन केटामाइनखौ बाहायदोंमोन। बे मुलिआ सुबुंनि गोथौ



सुबुंफोरनि जिउ गोमाबाय आरो अरुणाचलआव दैबाना आरो हा गिसिखानायनि जाहोनाव सा 9 सुबुंफोरनि जिउ गोमाबाय। अरुणाचल प्रदेशनि सान्जा कार्मेनि जिल्लायाव गंसे कारआ

हा गिसिखानायजों बोहैखारलानायनि जाहोनाव गंनै नख'रनि सा 7 सुबुंफोरा जिउ गोमायो। बोथोर बिगियान बिफानआ आसामनि माखासे ओन्सोलफोरनि थाखाय रेड आरो

पाकिस्तानआ उतखारिफोरखौ रैखा खालामनो

थाखाय परमाणु गोहोखौ बाहायदों: भारत

आल्जीरिया, 1 जुनः एमपि बैजयन्त पान्डानि दैदेन्नायाव भारतयारि मोनसे थान्दै हान्जाआ आल्जीरियाआव दावबायहैदों। बे दावबायनाय समाव एमपि पान्डाया पाकिस्तानखौ गोख्रोडे नोजोर होदों आरो पाकिस्ताननि मावखान्थिखो बेरखांहोदों। एमपिआ पाकिस्तानखौ सोंखारिनानै बुंदोंदि, न'सुसेनि हादरआ गावसोरनि उतखारि हाबाफोरखौ दोनखोमानो थाखाय गावनि परमाणु गोहोखौ बाहायगासिनो दं। आल्जीरियानि मीडिया, थिंक टैंक आरो भारतयारि गुबुन हादरनिफ्राय फैनाय सुबुंफोरखौ बिबुंथि होनानै बैजयन्त पान्डाया बुंदों, पाकिस्तानआ गावनि परमाणु गोहोखौ गावनि उतखारिफोरनि फोरोंथाय, उतखारिफोरनो रां होनाय आरो हाथियार हाबाफारिखौ दोनखोमानो बाहायदों। बिथाड बुंदों, बिसोरो उतखारिफोरजों उदाडै लोगो जागासिनो दं, नोंथांमोनहा बेखौ इन्टारनेटआव नुनो मोनगोन। बयबो मिथिगौदि, पाकिस्तानआ सिगांबो गोबां खेब बेबादि खालामखांबाय। असामा बिन लादेनखौ हादरआव दोनखोमानायाव पाकिस्ताननि लोब्बा थानायखौ मुंख'नानै बैजयन्त पान्डाया बुंदों, लादेनखौ गोसोआव लाखि, बिसोरो गोबां बोसोरसिम थगायदोंमोन, जेब्लासिम आमेरिकाआ आखाइ होदोंमोन आरो बिथांखौ बाइजोआव लाबोयाखैमोन। लादेनि अनगायैबो बिसोरो 52 उतखारि आफादफोरखौ बेबादिनो खालामगासिनो। पान्डाआ बुंदों, जुथाइ हादर रैखाथि गौथुम,



जायनि आल्जीरियायाबो दिनै सोद्रोमा, गोबां उतखारि आफादफोर आरो सुबुंफोरनि सायाव होबथादों, जायनि गेजेराव 52 उतखारि आफाद आरो उदखारिफोरा दिनै पाकिस्तानआव उदाडै गिदिंगासिनो। बेजों लोगोसे, एमपि निशिकान्त दुबेआ पाकिस्तानखौ सोंखारिनानै बुंदों, इं 1980 माइथायनिफ्रायनो बिसोरो गावसोरनि रांबावजानि 20-25 जौखोन्दो रैखाथिनि थाखाय बाहायगासिनो दं। आइएमएफ, सौदी आरब आरो आमेरिकाया बिसोरनो दाहार होयो। बिसोरनि रांखान्थिनि 80 जौखोन्दोआ खालि दाहारनि सायावल' सोनारनाय।

गिसिखानायनि जाहोनाव सा 8 सुबुंनि जिउ गोमादों। बेनि अनगायैबो दैबानाया दर 6 जिल्लाफोरखौ गोहोम खोख्लैदों, जायजों सा 10,000 सुबुंफोरा भुगिनांदों। आसाम स्टेट डिजेस्टार मेनेजमेन्ट अथ'रिटीआ (एसडीएमए) फोरमायदोंदि, साबा सुबुंफोरनि जिउ गोमानाया कामरुप नोगोरमा जिल्लायाव जादों। राइज्योनि नोगोरारि बिफाननि मन्थि जयन्त मल्ल बरूआ बुंदोंदि, बन्डायाव गुवाहाटीनि बाइजोआव हा गिसिखानायाव साथाम आइजोफोरा जिउ गोमादों। गुवाहाटीआव सानसेआवनो 111 मिलिमिटार

पाकिस्तानआ उतखारिफोरखौ रैखा खालामनो

थाखाय परमाणु गोहोखौ बाहायदों: भारत

आल्जीरिया, 1 जुनः एमपि बैजयन्त पान्डानि दैदेन्नायाव भारतयारि मोनसे थान्दै हान्जाआ आल्जीरियाआव दावबायहैदों। बे दावबायनाय समाव एमपि पान्डाया पाकिस्तानखौ गोख्रोडे नोजोर होदों आरो पाकिस्ताननि मावखान्थिखो बेरखांहोदों। एमपिआ पाकिस्तानखौ सोंखारिनानै बुंदोंदि, न'सुसेनि हादरआ गावसोरनि उतखारि हाबाफोरखौ दोनखोमानो थाखाय गावनि परमाणु गोहोखौ बाहायगासिनो दं। आल्जीरियानि मीडिया, थिंक टैंक आरो भारतयारि गुबुन हादरनिफ्राय फैनाय सुबुंफोरखौ बिबुंथि होनानै बैजयन्त पान्डाया बुंदों, पाकिस्तानआ गावनि परमाणु गोहोखौ गावनि उतखारिफोरनि फोरोंथाय, उतखारिफोरनो रां होनाय आरो हाथियार हाबाफारिखौ दोनखोमानो बाहायदों। बिथाड बुंदों, बिसोरो उतखारिफोरजों उदाडै लोगो जागासिनो दं, नोंथांमोनहा बेखौ इन्टारनेटआव नुनो मोनगोन। बयबो मिथिगौदि, पाकिस्तानआ सिगांबो गोबां खेब बेबादि खालामखांबाय। असामा बिन लादेनखौ हादरआव दोनखोमानायाव पाकिस्ताननि लोब्बा थानायखौ मुंख'नानै बैजयन्त पान्डाया बुंदों, लादेनखौ गोसोआव लाखि, बिसोरो गोबां बोसोरसिम थगायदोंमोन, जेब्लासिम आमेरिकाआ आखाइ होदोंमोन आरो बिथांखौ बाइजोआव लाबोयाखैमोन। लादेनि अनगायैबो बिसोरो 52 उतखारि आफादफोरखौ बेबादिनो खालामगासिनो। पान्डाआ बुंदों, जुथाइ हादर रैखाथि गौथुम,

जायनि आल्जीरियायाबो दिनै सोद्रोमा, गोबां उतखारि आफादफोर आरो सुबुंफोरनि सायाव होबथादों, जायनि गेजेराव 52 उतखारि आफाद आरो उदखारिफोरा दिनै पाकिस्तानआव उदाडै गिदिंगासिनो। बेजों लोगोसे, एमपि निशिकान्त दुबेआ पाकिस्तानखौ सोंखारिनानै बुंदों, इं 1972 माइथायाव जों बिसोरनि 93,000 रौनियाफोरखौ पाकिस्ताननो हरफिनदोंमोन, थेवब्लाबो दिनैसिमबो जौनि सा 54 रौनियाफोरा पाकिस्ताननि जोबथेसालियाव दं आरो बिसोरो बिसोरखौ हरफिनाखै। पाकिस्तानखौ सोंखारिनानै राइज्यो सभानि एमपि रेखा शर्माया बुंदोंदि, पाकिस्तानआ

इजराइलआ हामासनि चिफ घष्ट

महम्मद सिनवारखौ जिउ फोजोब्बाय

रौनियाफोरा सिनवारनि थैनायखौ मिबथियाखैमोन। महम्मद सिनवारआ जानो हागौ समाजआरि बिजोडव नुजानानै बाश्त्रा बुंदोंमोन। गिखंथाव महरआव बिनि सावगाारिखौ रौनियाफोर लानानै आवगायदोंमोन आरो 2005 माइथायसिम हामासनि खान इडनिस ब्रिगेडखौ दैदे-दोंमोन। बियो हामासनि हाथियारि बिफाननि बयनिखुइबो देरसिन आरो गोहो गोरसिन सुबुंमोन। हामासनि बिबानगिरिफोर महम्मद सिनवारखौ हुहुट बिमुं होदोंमोन। जाय इजराइलनि नायबिजिरसं एजेंत्सिफोरखौ गले-गले मेगनआव हाद्रि सारदोंमोन। सिनवारआ गोबां खेब गावखौ बुथारनो नाजानायनिफ्राय रैखाथि होनो हादोंमोन। 2003 आव बिनि न'नि वालआव होनाय बमखौ हामासनि मावफारियाफोरा नागिरनानै आरोबाव खेबसेबाव बुथारनो नाजानायखौ फेलें खालामदोंमोन। मख'नो गोनांदि, थांनाय बोसोराव इजराइलनि रौनियाफोरा महम्मद सिनवारनि फं बाय याह्या सिनवारखौ बुथारदोंमोन।



दिल्ली, 1 जुनः इजराइलआ हामास चिफ महम्मद

सान्थौनिफ्राय बायजोआव ओंखारबोनायाव हेफाजाबसो खालामो। नाथाय बे मुलिखौ आं लायैआ गोबाव जाबाय। सासे खौरंगिरिनि सोंथि सौनायाव आमेरिकानि प्रेसिडेन्ट डनाल्ड ट्रम्पआ इलन मास्कनि ड्राग्स लानायनि बाश्त्रा फोरमायदोंमोनब्लाबो बेखौ गावनि मुलाम्फानि थाखायसो बाहायदोंमोन होन्ना ट्रम्पआ रोखा फोरमायथिदों।

सिनवारखौ जिउ फोजोब्बाय। 2023 आव इजराइलआव गाग्लोबनायनि बियो मास्टार माइन्डमोन। रबिबारआव इजराइल डिफेन्स फर्सआ खौरं बिजोडाव बेनि सोमोन्दै फोरमायदों। बुधबारआव इजराइलनि हादतगिरि बेन्जामिन नेत्यानहुआ बेनि सोमोन्दै फोरमायदोंमोन। आइडिएफआ 14 मेआव खान इडनिसआव थानाय इडरपिय' हस्पिटलनि गाहायाव थानाय मोनसे हा सिंनि थाग्रा जायगाखौ नोजोर होदोंमोन। बे कामान्ड मिरुआवनो महम्मद सिनवारखौ थाखुमानानै दड होन्ना सन्देह खालामदोंमोन। बे गाग्लोबनायावनो महम्मद सिनवारआ जोखोम जादोंमोन। बे समाव इजराइलनि

अनजालि जिउनि बुब्लियाव रंजालि गथ'फोरनि सौरा

नौंखौं नेनानै मँगिलबाय आनि जीउमाया, जेब्ला फोथार– बारिआव बेरायनो थाडे, अब्ला साया– माया सिखिरि सिख्ला जानानै मोसाफैनाय बायदि नुयो । दागुगालां नों रजे आनि बिखानि मैला जानानै । आरोबाव हालिया आं सहायनो, आनि गोर्बौं इसिंनि दानानै दोनखानाय सनानि फनजारिआव हाबफैदो । नुदों आं सिमां नौंखौं लानानै– नौंखौं लानानै, सनानि देरा लुनो नाजादों आं सिमांखौं मोकथां खालामनो । दङहनै जिउनि लामायाव गसंथेनानै सुथुरफोरा हानजानि– हानजा मोजां मोनलायनायनि बेरेखा उदखारिफ्रा । थास’ एउम्रांनाय बायदि एउम्रांगोन आं नोंनि थाखाय । बोहैहोगोन उदखारिफोरनि थैन बाना, दुगैगोन आं बिसोरनि थैजों बोहैहोगोन उदखारिफोरनि मेगननिफ्राय मोदैनि बाना नोंनि थाखाय । सौसि– सौसि थांगोन आं हाग्रा– बंग्रा दैमा– दैसा, हाजो– हाला, बिलो– फुंखानि गेजेरजों । दैमाखौं बारनो हायाब्ला, सनानि बान्दो खोनानै होसोलांगोन आं नोंनि रैखानि थाखाय, अनजालि ।

	मुप्ति गेरेमसा बरगयारी
	जिल्ला: कक्राझार (बि.टि.सि.)।

जखायसे लिमारिक

(से)

लोंदों आरो लोंदों गिसि– गोरान दाखालिबो, मैयाबो, दिनैबो लोंदों आरो गाबोन..... ? गोबां तेनसन दंनो जोंना आदाया बेनो बिनि जौ लोंनायनि थांखिया, जौ लोंब्लानो तेनस’ना जोबना फैगोन ने ? (नै)

नैबे गोदान मुगानि सेंग्रा माखाफोर गोसो थोयो बिसोर खालि गुफुर– गुफुर सिस्त्राफोर, बेनिखायनो देलायो जों गुफुर जागौबा, मोजां– मोजां सेंग्राफोरजों गोसो थोजागौबा, गुफुरखौल’ मानो मोजां मोनो बिसोर..... ? (थाम)

बे कलेजनि आं मिस बिउति सेंग्राफ्रा आंजों मानो थाबायो खाथि–खाथि ? धोन दौलतजों बुंफबनाय नखर नङब्ला अजय, आमिर खान मोनबायदि महरगोसा सेंग्रा नङब्ला, हाबाखौनो लाश्रा आं सर्यथि..... ।

	मुप्ति पवित्र मोसाहारी
	गामि: पद्म’बिल, ला:सो: आप्लागाव
	जिल्ला: कक्राझार (बि.टि.सि)।

दासान नौं आंखौं गाछि

कक्राझार नाराबारि गामिनि दैसा सेराव नआ बिनि, थायो आंबो बिनि ननि हरैजाय । सानोमोन आं बेजों फंसे गोदै राव रायज्लायना लानो । नुवा नुदोंमोन आं, नायआ नायदोंमोन बेखौंनो आनि सान्ना । नाथाय बहा नुबावनो बहा नायनो हाबावनो । खालाम फ्लांबाय आं बिनि गोसोखौं दुखुनि लैथोआव गब’ होना दोनफ्लांबाय आं । सानाखैमोन आं एसे अखा निहोर बायदि थायफ़्रिनायादि बाना जागोन । बानाखौं नुना सानबाय आं नाव बानायहां साथा लाहां जाबाय गोसोआ आनि । बाना जाखाबाय जावलांनो मालाय नावखौं बहा । साथाखौं हमबालाय मा जानो ? जाबाय जाबाय गोसोआ आनि बिनि दुखुआवनो उसाव बादाव । लुना होदोंमोन आं मालायनि समायना बिफांआव दैखौं । सानाखैमोन आं बेलासि समाव दै लुना होबादि रोदायाव नांना रानहैगोन । मालायनि हासार गोनां हायाव रज’ नाय समायना बिफानि बिबारखौं आं बोरै मोन्नो ? दुखुआव दोनफ्लांबाय आं बेखौं निमाहा होगोनदा बेयो आंखौं ? सानगोनदा बियो आंखौं निमाहानि जग्य’ ? हिन्दि रावआव होन्दों, मैने किसिका दिल दुखाया है, मुझे माफ करो, आनजानेमे गलती हगैया ।

	आनसाइ गयारी
	ला:सो: कक्राझार ।
	जिल्ला: कक्राझार ।

बे जिउ दानो दं दानो गैया गोसोम–गुफुर गाबनि साया माबोला रंगिना–संगिना सिमां माबोला गिथाव बारहुंखा । मिथिस’ हाया हमदां मोना बेनो नामा सोरजिनि फाव हनथानि बारहुंखाया बिरबायनानै आं सानसे अन्नायनि लामाखौबो फोरमाय नांबाय बुजि मोनै जाहोनाव बेसेबा गुवार लैथोआव बुसोम जानांबाय दैन दाहाराव । सोरनि अन्नायजों रंजानो सोरनि दुखुजों गाबफानो मिथि मोना बे मुलुगाव संसारनि माया गेलेनायाव सोरनि गेले होनायाव जानांखो दिनै आलाय–सिलाय नोंजों आंजों सेरखाय–बेरखाय जाय दुखुखौं आं सानसे अराय सहाय नांबाय, थाबाय बियो दिनै मुलुगनि आन्दोआव जिउनि बे बुब्लियाव । आय ! जाय जारिमिन आनि अराय थांना थानायनि इयुन जिउनि थांखि । गोरोन्थिआ सोरनि मिथि मोना रावबो खैफोतआ मानि ? जायखो गोसो खाडे जेबोला सावन–भाद्रनि दुंनाय थिं–थिं सानदुं आवबो गोजांफ़िउ मोनो अब्लानो आं सुगलायो । गोसो आनि जे ब्लायावबो हास्थायो ।

	थरायना जयमा राणी ब्रह्म ।
	दतमा गार्लैस हाई स्कुल
	था:खो: जि (10)
	जिल्ला: कक्राझार ।

नोजोरनि हांमा

सिमा गैयै थायनै मेगननि गोफात नोजोराव, आनथोर जयै गोर्बौंनिफ़्राय बोहैग्लायनाय निजोरानि गुथालाव बुसोमजाबाय दिनै आं मिथिंगानि बान गैयै जाल्लायाव । सुथुर दैथुननि केलेंकारि नारसोमनायाव, हायना मिथिंगा, बिदिन्थानि थिन्नायाव जिउआव दावदाबसे मिर्जिं थिबाय नोंखौंनो मिथिंगानि आखुथायजों गोरोबलांना रिउ–रिउ सनानि दिङ जावलांनो जोनोमनि उनथार बै सोनाब फैसालिसिम । नाथाय.....बैसाग मासनि दै जावरिनायजों बुथार जालांबाय नों, जाय मिर्जिंक आनि बायप्रेब लांबाय जिउआसो आनि नोजोरनि हांमा जालांबाय ।

	मुप्ति आसिनाथ बसुमतारी
	कक्राझार (बि.टि.सि.)।

सोर नों ?

सोर नों हायनारि बिखाया बेसेबा फिसा गोबानो सानो संसारखौं; जिउआ आनि उन्दै बिलिरनो सानो मुलुगखौं । गोसोआ आनि, आनदायबाय आं बे संसाराव; आंहा गोसोआव बबेनिबा रादाब फैदों रंगिना गाबजों बाज्ल’ बायदों फिथिखा लुफावनाय सेंग्रा समाव । जोबनो गैयै गोसोनि हास्थाइनाय जिउनि आंफ़्रिनायाव, जोबनो रोङै गाबजों मा मैया दिन्थियो नों ? अननाय गिरि । बेनो आनि गोसो ।

	मप्ति समबारु दैमारी
	ला:सो:-रुणिकाता
	जिल्ला:-सिरां बि.टि.सि.,

आवोल नांबाय.....

दोहौं राजखान्थिनि नांज्लायनाय बिदा फंबायनि गोदोना गोबाना अनज्लायनायनिफ़ाय सैमा मावजिनि नेरलायनायाव गोजोन दङ दा ।।

बिखा खायसिब मोनलायनाय गाबरखाडे गोदोना गोबाना गोरोबोब्ला सुथुरनि गेजेराव जौनि जोहोलाव नोंसोर मिजिङ नोंसिनि सायाव रौ रौ गाबस्त्रावगौदाबि नोंसोर खौसे जालायोबोला ।

सियाल सिगुनफोरा दं जमनानै नोरजिया थैरं सोलेरनि साखाथियाव सिक्नाझार हाजोनि उत्था दैन ओंथि गुरस्लायनाय नोंनि बिगुरजों बिसोरो मुंदांखा ।

सानखान्थिया जौनि आवोल नांबाय गावस्त्रानाय दालायफोरा गोजौथिं दावगाया जौनि सि्थ्लायाव होंगो दोंगो आलासिनि आंखाल गैया गाबोन जिरायनो जायगा मोनैनि न'मा न'खौबो बिसोर सिमफायनो थिनगोन ।

सानस्त्रिफोरा गुलुं गुजुं सोर थार आरो सोर नंखाय गेबें लामा नायगिरनानै – आवोल नांबाय आखाय हमदो, खौसे जादो – रिमोनद्ला लामायाव गाद्लिननाय नङ ।

	गलाप खुंगुर बसुमतारी,
	कक्राझार ।

सोर मोनथिगोन

सोर मोनथिगोन गोरबो सिङव फिसिखुमाना दोननाय मोजां मोनायनि बाश्रा !

सोर मोनथिगोन गोरबो सिङ दोरफो–दोरफो जोंनाय अरखिखौं !

सोर फोलागोन मोजां मोनलायनाव खामनाय बिखानि हांगारखौं ?

गोरबो सानायखौं बुरखायना खामनाय हाथ'फ्लानि मोनामनायखौं आं सिखोमायोब्ला सोर मोनथिगोन !

दैसानि बोहैनायजों आं मेगननि मोदैखौं फोजावहरोब्ला सोर मिथिगोन मेगननिफ़ाय मोदै गदों होनना ।

रावबोथ’ मोनथिया जानांगौ आनि अनगायै गोसो थोनायावबोदि बुथारो मोनसे बिखा आरो गोरबो ।

	अनजालि सरगियारी
	बाक्सा

फेसबुकनि अनजालि

फेसबुक ?आव नुनानै गोसो थोफ्लांगारबाय दाना सोरांस्लाबमोनै मिसदकल ? फैनाया बांद्रायबाय मोजां मोननायनि जेआव नांथेनानै गोसोनि खोथाफोरखौं फोरमायलायनानै मबाइलजों रायज्लायनाय हुदाया बारानिफ़ाय बारा जाबाय ।

जेरावखि थाया बिनिल'सो सावगारिया जाखाफैबाय थासै उन्दुनाय गैयै मेगनाव खायसो खालामसै सान–हर मोजां मोननायनि मुङव सम बारहोनाय नोजोर होग्रानि अनजिमायाबो बांलांबाय दासान्दि गुबुनजों रायदावनाय हुदायाबो आनि गोमालांसै ।

	निजोम बर’
	पश्सिम पानेरि, अदालगुरि

मोदै

थरथिंसे मोदैयानो मालाबा खुसिनि नासिन रिंहोयो ।

	सबिराम बर’
	राबां, बागसा

मुंख्लंनि थै

1

मुंख्लंनि थैन सोलाय लाबोनाय बिटिचिनि रांखौं लुथिनानै, खायसे बर’ दैदेनगिरिफोरा दिन्थिबाय दालान न’ लुनानै ।

मुंख्लं नखरफोरा दाबो अनसुंथाय मोनजोबाखैसै, बर’ बिमाफोरनि मेगननि मोदैया दाबोनो रानाखैसै ।

22 बोसोर गोहो थांबाय बर’ दैदेनगिरनि आखाइनिफ़ाय बारग 'नानै ।

2

हारि सिबिनायनि मुङव खायसे बर’ दैदेनगिरिफोरा गोहो बुथुमदों,

हारिखौं फोथायखेबस’ खालामनानै बिसोर गोहोनि फालांगि खालामदों ।

बिसायख 'थिनि सिगां सिगां बिबायारीखौबो बिसोर खुलुमबाय,

नाथाय बिसायख 'थिनि उनाव रायदावनो सम गैयैसो दिन्थिबाय ।

बिसायख 'थिनि उनावसो बिसोरनि गुबै महरखौं रायजोआ सिनायदों ।

3

दैदेनगिरिनि थुलुंगायाव रिन्दाव सारेन्दारा हाथियार लानानै मानसि बुथारबाय,

बर’ गोरोबथानि उनाव दैदेनगिरिनि बिदा–फंबाय बयबो अनसुंथाइ मोनजोबबाय ।

नाथाय सारेन्डार रिन्दाव फंबाया दिनै जौ लोंङै लोङै गिदिदों, रिन्दावनि बिसिया रानज्रें खुज्रें ब्लाउस जिलादों ।

रिन्दावखौं दोल बोहोनानै दैदेनगिरिफोरा सिंगि मागुर जाबाय ।

4

सिखाव डकाइत गुण्डा राजखान्थियाव ओंखारलाजोबबाय, मेलेमजिबी सोलोगोरा सानसुमैफोरा दाव फेसाफोर बायदि सानाव गोमालाजोब्बाय ।

दैदेनगिरिफोरनि सान्नायानो आइन आदालत बायदि जादों, नेम निति धोरोम गासैबो बिजाबावल’ बिसोर जायगा दोनदों ।

मा बुंबावनो कलियुग होन्नाया हनै खाथियाव सफैबाय ।

5

प्रमद आरो हाग्रामाया बर'नि इसिडरी खौरांखौं बुंफरुनानै होदो ? ।

बिसोरनिफ़्राय हारिनि इसिङ खौरांखौं सुथुरा मिथिनो खाबु मोनदों ।

बर'नि लोर्बांथिखौं हारिनि सुबुंनिफ़ायनो बर'नि सुथुरा मिथिजोबबाय ।

बर'नि लोर्बांथिखौं मिथिनानै बर'नि सुथुरा बर'जों जुजिनो गोलैं जाबाय ।

जाम्बा बायदि दैदेनगिरिफोरनि जोहै सुथुरजों दावहा नांनाया गोब्राब जादों ।

खारौ खान्दाय बिबार

आं हर गेजेरनि बारसे समायना बिबार मुंखौं बुडो बयबो आंखौं खारौ खान्दाय हरावनो थुफियो, हरावनो बारो आरो हरावनो सिरिफिनो । अनसाया आरो लुबैया रावबो आंखौं खोनासडो आंनि जिउनि जारिमिन, सान अख्ानि सान राजाजों नेवसि जानाय आंदि बारसे समायना बिबार । नाथाय मिथिगौ दानखोमसि हरनि फुर्णिमा अखाफोर गावदांआ आंनि हार्सिङै गाबनाय आरो मिनि फिन्नायखौं हांमानि खन्थाय लिरनाय, दाहानि सल’ लिरनायखौं बियो बुरखायो अनसायनायजों आंखौं फुंबिलि जारां सानजों रंजानो फागुन दाननि सुदेम बारजों मोसाग्लांनो नाथाय हायाखिसै आं निन्दा आरो मुं सुनायनि बे सोमखे मोखांखौं लानानै गावदां अखाफोरनि बोसोनखौं लाखिनो ।

	मिस बनमि नार्जारी
	ला:सो- काजलगाँव
	जिल्ला- चिरां, (बि.टि.सि.),

हादतआव करनानि जाथाया 3,000 निफ्रायबो बांसिन जादों

महाराष्ट्र-केरेलाआव बांसिन केस मोन्दों

गोदान दिल्ली, 1 जुन: हादतनाडै-नो फिन खेबसेबाव करनानि थासारिया बांलांदों होन्ना खौरां मोन्नाय जादों। थांनाय 7 साननि गेजेराव कभिडनि 2000 केसफोर नुजाथिदों। दिनैसिमाव बेयो बांलांनानै 3,000 निफ्रायबो बांसिन जाहैबाय। मिरु सावस्त्रि मन्थ्रि सामलाय आफादआ फोरमायनाय बायदिब्ला, शनिबारआव करनानि जाथायनि अन्जिमाया 3,000 निफ्रायबो बांसिन जाबाय आरो बांलांनानै 3,395 जाहैबाय। जेराव केरेलाआव बयनिखुइबो बांसिन 1,336 केस मोन्दों। बेनि उनाव महाराष्ट्र आरो दिल्लीआ मख'जाथाव। 2 बोसोरनि बांसिन समनि उनाव गिबिसिनै भारतआव कभिडनि गिख्त्राथव थासारिनि अन्जिमाया 3,000 सिम



सौहैदों। शनिबारआव फोसावनाय बायदिब्ला, थांनाय 24 घन्टाआव सा 4 सुबुंफोरा जिउ गोमादों। दिल्लीनि सासे, केरेलानि सासे, कर्नाटक आरो उत्तर प्रदेशनिफ्राय साफा-साफा सुबुंनि जिउ खहा जादों। महाराष्ट्रआव 467 केसफोरखौ मोन्दों, दिल्लीआव 375, जाहैबाय आरो शनिबारआव

गुजराटआव 265, कर्नाटकआव 234, सोनाब बेंगलआव 205, तामिलनाडुआव 185 आरो उत्तर प्रदेशआव 117 केसफोरखौ मोन्दों। 22 मेआव हादतआव सा 257 केसआ सांग्राडै सोलिदोंमोन। 26 मेसिम बेनि बिबांआ बांलांनानै 1,010 जाहैबाय आरो शनिबारआव

3,395 सिम सौहैबाय। अन्जिमाखौ नायोब्ला थांनाय 24 घन्टाआव 685 गोदान केसफोरा नुजाथिदों आरो सा 4 सुबुंफोरा जिउ गोमादों। कभिड-19 नि थासारिखौ नोजोर होग्रा ब्लडमीटार

इन्डेक्सनि बायदिब्ला, हादतआव थांनाय बारआव 3,000 सांग्रां केसफोरा सोलिनानै दड। 2023 नि एप्रिल दानआ बारनाय लोगो-लोगोनो जेब्ला जाथाया 3,084 सिम सौहैदोंमोन। शुक्रबारआव मिरु सावस्त्रि मन्थ्रि एबा आयुष राइज्यो मन्थ्रि प्रताप राव यादबआ फोरमायनाय बायदिब्ला, जायखि-जाया थासारिजों जुजिनो थाखाय आबुडै साखा-फारा जानानै दड। खौरां गिरिफोरनि सिगाडाव फोरमायनाय बायदिब्ला, मिरु सावस्त्रि बिफान आरो आयुष मन्थ्रि सामलाय आफादआ कभिडखौ लानानै आबुडै सांग्रां जानानै दड।

इउपिआव रेल लामायाव अन्थाइ, लहानि पाइप दोन्थेदों

गोदान दिल्ली, 1 जुन: दिल्लीनिफ्राय साम्ली जानानै सहारनपुर थांग्रा ट्रेनखौ बेलथायहोनो नाजानायनि खौरां मोन्नाय जादों। बलबा-साम्ली रेलवे लामायाव ट्रेकनि सायाव सिमेन्ट आरो लहानि पाइप दोन्नायजों लोगोसे माखासे गिदिर-गिदिर अन्थाइफोरबो दोन्थेनायखौ मोन्दों। खौरां मोन्नानै आरपिएफ, जिआरपिफोरा खौरां लाहैयो आरो ओन्सोलनि पुलिस बिफाननोबो खौरां हरनाय जायो। बे समाव मिबथियाजासेनो एफआइआर होनाय जाबाय। शनिबारनि मोनायाव दिल्लीखो 7 सिगाआव नागारनानै साम्ली जानानै ट्रेनआ सहारनपुरसिम थाडो। जेब्ला ट्रेनआ 9:30 रिंगायाव साम्ली-बलबानि



गेजेराव सौहैयो। बे समाव रेलवे ट्रेकआव गिदिर-गिदिर अन्थाइ, सिमेन्टनि पाइप आरो लहानि पाइपखौ दोन्थेनायखौ नुनानै लक पाइलटआ इमार्जेन्सि ब्रेक हमनानै आरपिएफ आरो जिआरपिनो खौरां हरो। बे खौरांखो मोन्नाने ओन्सोलनि पुलिस आरपिएफ, जिआरपि, एसपि राम चैवक गौतमआ नुजाथिहैयो आरो नायबजिरसंनो हमो। ट्रेकनिफ्राय अन्थाइ,

लहानि पाइप आरो सिमेन्टनि पाइपफोरखौ बोखारनाय जायो। बे समाव आरपिएफआ मिबथियाजासेनो एफआइआर खालामो। दायनिगिरिफोरखौ नागरिगासिनो थानाय जादों। पुलिसआ साखाथिनि गामिफोराव दायनिगिरिफोरखो नागिरदों। बेनि अनगायैबो ट्रेन थांखांनायनि उनावबो रेलवे ट्रेकखौ रैखाथि होनायखौ बांहोनाय जादों।

दिल्ली-एनसिआरआव बारहुंखाजों लोगोसे अखा हागोन, मौसुमि बारनि सिगांनो

कर्नाटकआव सा 71 सुबुंनि जिउ गोमाबाय, शिमलायाव अरेन्ज एलार्ट फोसावदों

गोदान दिल्ली, 1 जुन: जुनआ जागायजेनबाय। दु'हाव थासारिनि थाखाय गासै सा-भारतआनो खामगासिनो दं। बे समावनो बोथोर बिगियान बिफानआ दिनै राजस्तान, हारियाणा, दिल्ली, इ.उ.पि., बिहार आरो मध्य प्रदेश बायदि राइज्योफोराव बोथोर सोलायनो हागौ होनना फोरमायदों। बोथोर बिगियान बिफानआ गोबां जायगाफोराव सारअन्थाय गावनाय आरो रोजा अखा हानायजों लोगोसे गोख्रों अखा हानो हागौ होनना इयुन रादाव होदों। बोथोर बिगियान बिफाननि बादिब्ला, रबिबाराव खावसे जोमै खोबनानै थागोन। गोख्रों बार, बारहुंखा आरो सारअन्थायजों लोगोसे एसे अखा हानो हागौ। घन्टासेआव 40 निफ्राय 50 कि:मि: गोख्रैथिजों बार बारनो हागौ। बे समाव दसे समनि थाखाय घन्टासेआव 60 कि:मि: गोख्रैथिजों गोख्रों बार बारनो हागौ। बांसिन बिदुख 38 डिग्री



सेलसियास जानो हागौ आरो बाडइसिन बिदुख 26 डिग्री सेलसियास जानो हागौ होनना सान्नाय जादों। शनिबाराव साननि समाव साननि गोख्रैथि आरो सिदोब दुंथाया सुबुंफोरखौ जोबोद जेंनायाव खोख्रैदोंमोन। बेनि फिथाय महरै 24 घन्टायाव गोबांसिन बिदुख 2.6 डिग्री सेलसियाससिम बांदोंमोन। मोनाबिलि समाव बारहुंखा आरो गेसं अखा हानाया एसे सुखु होदोंमोन। फैगौ बा सानसिम गेसं जोमैनि जाहोनाव

5 जुनसिम जायगायाव गोख्रै बार बारनाय आरो एसे अखा हानायनि आसा दं। शनिबारनि फुडव बरफ गोम्लैनायजों लोगोसे हिमाचलनि लाहौल-स्पीति जिल्लाजों लोगोसे रहतां, शिंकुला आरो बरालाचा पासफोराव बोथोरा सोलायदों। बबेखाफि सानाव सानआ जोंदोंमोन आरो बोथोरा सानसे स्नां जाबाय थादोंमोन। बेनि उनाव गोबां अन्जिमानि दावबायारिफोरा रहतांआव सौफैदों आरो बरफनि

थुखाफोरजों रंजाखांदोंमोन। कांगड़ायाव फुडव बारहुंखाजों लोगोसे एसे अखा हादोंमोन। शिमला नोगोर आरो खाथि-खालानि ओन्सोलफोराव शनिबार मोनाबिलिनि 8.00 रिं'गानि उनाव अखा हाजेन्दोंमोन। सिगांनि सानाव शिमलायाव 3.3 मिलिमिटार, केलंआव 2.0 मिलिमिटार, सलनआव 4.0 मिलिमिटार, जुबबर हाटौआव 2.4 मिलिमिटार, कुफुरीआव 8.8 मिलिमिटार, कुकुमसारियाव

2.1 मिलिमिटार, ढला कुवायाव 2.0 मिलिमिटार, कसौलीआव 5.0 मिलिमिटार आरो पांटा साहिबाव 3.4 मिलिमिटार अखा हादोंमोन। बोथोर बिगियान बिफानआ सेथि जुन रबिबारखालि सलन, शिमला आरो सिरमौर जिल्लाफोराव रोजा अखा हानायनि थाखाय अरेन्ज एलार्ट फोसावदों। कर्नाटकआव मौसुमि बारनि सिगां अखा हानाया 125 बोसोर गोजाम रेकड'खौ सिफायदों। कर्नाटकनि गिबि मन्थ्रि सिद्धारमैयानि मावख'आ बुंदोंदि, थांनाय एप्रिलनिफ्राय मौसुमि बारनि सिगांनो गोबांथार अखाफि जाहोनाव राइज्योआव सा 71 सुबुंफोरनि जिउ खोमाबाय। सरासनस्नायै राइज्योआव मे दानाव 74 मिलिमिटार अखा हादों, नाथाय गुबै अखाया 219 मिलिमिटार जाबाय, जाय सानजेर सरासनस्ना अखाफिफ्राय 197 जौखोन्दो बांसिन।

चीनआ जुदि ताइवानखौ गाग्लोब्ला गिख्त्राथै फिब्नाय मोनगोन: आमेरिका



सिंगापुर, 1 जुन: जुथाइ राइज्यो आमेरिकाआ गावनि एसियाफि हेफाजाबगिरि हादरफोरनि चीननि बांलांनाय मावथायफोरखौ नोजोर होनानै गावसोरनि रैखाथि खरसाखौ बांहोनो आरो गावसोरनि रैनियाफोरखौ गोख्रों खालामनो संग्राथि होदों। चीनआ 2027 माइथायाव ताइवानखौ गाग्लोबनो थागाथियारि खालामगासिनो, नाथाय बे साहसआ इन्ड'-पेसिफिक ओन्सोल आरो गासै मुलुगनि थाखाय गिख्त्राथव फिनजाथाय

होगोन। बे बिबुंथिआ सिंगपुरआव शांग्री-ला डायल'गआव आमेरिकानि रैखाथि नेहाथारि पीट हेगसेथजों खालाम जादों। इउएस रैखाथि नेहाथारिआ बुंदोंदि, थासारिखौ सुगारकट खालामनायनि जेबो जाहोन गैया। बे ओन्सोलाव चीननि थांखिफोरनि खैफोदआ नोजोर लाखिगासिनो दं। रैखाथि मन्थ्रिआ बुंदोंदि, चीननि रैनिया आरो रांखान्थियारि

नारसिनथायनि मोगा-मोगियाव आमेरिकाआ गावनि लोगोफोरखौ हारसिडैहगारनाय नख, बेयो मोगा-मोगियाव बै लोगोयारि हादरफोरजों गसंफागोन। हेगसेथनि बिबुंथिया चीननि सोमोन्दै ट्रम्प खुंथाइजों होजानाय बयनिखुइबो गोब्राबिसन बिबुंथि, जायखौ ब्रै दान सिगां दानाय जादोंमोन। फिब्नाय महरै, चीनआ बेखौ थुलुंगाहोरा महरै बरनायदों आरो बुंदोंदि, मोखथाडव आमेरिकाआ ओन्सोलाव गोजोन आरो

दिदोमथिनि थाखाय बयनिखुइबो देरसिन जेंना। बेयो मख'जाथावदि, चीनआ ताइवानखौ गावनि ओन्सोल मानियो आरो चीननि खुंथायाव थानाय कमिउनिस्ट पार्टीजों नारसिन्नानै दखल खालामनायनि थांखिखौ गनायथि होयो। बेनि उल्थायै, ताइवान, जायहा चीननिफ्राय गुबुन मोनसे राजखान्थियारि खान्थि दं, सुबुंखान्थिजों गावनि सरकारखौ सायख'यो आरो बे सरकारआ मोनसे उदां हादर बायदि खामानि मावो। चीननि दाबिफोरखौ नेवसिनानै ताइवानआ गावखौ मोनसे उदां हादर मानियो। मानगोनां शांग्री-ला सावरयनायाव प्रयदर 40 हादरफोरनि मन्थ्रिफेर रैनिया मावख'गिरिफोरा बाहागो लानायखौ नुनो मोनो। बेखेबआव चीननि रैखाथि मन्थ्रि दंग जुनआ बे हाबाफारियाव बाहागो लायाखै। चीनआ बाहागो लानो थाखाय सिंगपुरआव मोनसे थान्दै हान्जा दैथाय हरदों। शुक्रबारखालि फ्रान्सनि हादरगिरि इमानुएल मैक्रनआ सावरायनायखौ बेखेवदों। बिथांमोनहा इउ'पनि हादरफोरखौ गावसोरनि रैखाथि

खरसाखौ बांहोनोबो खावलायदों। मैक्रनआ इउ'पनि आरो एसियाफि हादरफोरनि गेजेराव गोरोबलायनायनि जाथावनाखौ फोरमायदों। बेयो ओन्सोलारि जेंनाफोरखौ सुस्नांनो आरो मुलुगखौ मोनसे गोदान थाखोआव लांनायाव मदद होगोन। आमेरिकानि रैखाथि नेहाथारि हेगसेथआ बुंदोंदि, बिथानि हादर आरो भारतनि गेजेराव रैखाथि हेफाजाबआ बांगासिनो दं, इयुनाव आरोबाव फेहेरनायनि आसा दं। दसैबो हादरआ इयुनाव रैनिया हान्जानि हुदाखौबो बांहोगोन। बे हेफाजाबखौ क्वाइ (क्वाइलेटरल सिक्विडरिटि डायलग) नि सिडवबो फेहेरनाय जागोन। हेगसेथआ मख'दोंदि, आमेरिकाआ इन्ड'-पेसिफिक ओन्सोलाव गावनि लोगोयारि हादरफोरजों हेफाजाब बांहोनो थाखाय रादाइ होनाय। बिदि खालामोब्ला, आमेरिकाआ बे ओन्सोलाव चीननि मावनायनिफ्राय बांबोनाय खैफोदफोरखौ बाडाइ खालामगोन।

सुंद सल'

मिस निरा ब्रह्म

बेलासि सम 3.00 रिंगायाव आं अफिसनिफ्राय फैनानै मेंनाय मोन्नानै जाखा-लेंखा दसे लामानि बिफां सायायाव जिरायग्लांदों। बे जिरायबाय थानाय समावनो आं हरखाबैनो रमायनानि फासैं गोसो खांहरनायसै। बेसेबादि उन्दैनफ्रायनो लोगोथारमोन जों सानैजों। रमायनानि बिफा-बिमा आरो आंनि बिमा-बिफा नायनो हायै सैलायलाया। नाथाय जों सानैबो बिसोरनि फासैं जेबो मोना। जोंहा लोगो नालाय लोगो जों रावनिबो फासैं जेबो मोना। जोंनि बिफा बिमाया न' गालायलाया नाथाय जों सानैया जेब्लाबो थांलायों फैलायो। सानसेखालि आं रमायना मोन्नाव थांनायाव आं बिस्त्राव गोबां मानसि बोराइ-बुरै साब्रै आरो सेंग्रा सासे नुहैनायसै। रमायनाया बिसोरनो साहा होफैदोंमोन। आं दरखडाव मोनहैनानै रमायना बिमानाव सोंदोंमोन- मादै रमायना दड ना ? रमायना बिमाया आंखौ एसे रागा जोंदों जानांगो बियो गोमजोर रावै फिन होदोंमोन औ दड। रमायनाया आंखौ मेगन फावजों गावनि रुमाव लिंलांनायसै। आं रमायनानाव सोंदों- सोर आलासि जाखो बिसोरलाय। रमायनाया दुखु गोसोजों फिन होबाय आंखौ नायनो फैदों। आं बाग्दावखांनायसै आरो बुंनायसै मा ? दानो ! नोंहा दाबो बैसोयानो जायाखै। दासो मेट्रिक पास जानायावनो। माथोलाय नों गावनि आर्थियाव गसंनो हाबासो जागोन होन्नानै बुंदोंमोन। दा मानो ? नै खोनासं जों हिनजावफोराबो दानि जुगाव गाव गावनि आर्थियाव गसंखानाय जानांगौ। नडाब्ला सोरनिबा नखरफोराव बिहामजोफोरखौ सैमा-अमाफोर बादि बाहायोनो। आं सानो बेफोर जेंनाया नोंनावबो दा जाथों। रमायना: मा खालामनो लोगो। बिमा-बिफायनो हरनो नागिरो। गाग्रिब्लाबो मोजाब्लाबो बिमा-बिफानि बोसोन मानियाब्ला। आय आफाया सानो आंखौ दानो हाबा हराब्ला आंनि बिनानाव सानैया आंजों सम्ब्रा-समब्रि जाहैयोब्ला हाबा हरनो हानाय

धारी नो नंमारगौ लोगौ

नख। आं बुंनायसै: नंगौ रमायना खायफा बिमा-बिफाया फिसाजो हाबा हरनायखौ गावसोरनि गिलिर बजाय सान्नानै लायो। मोजां गाग्रि नाया लया हरसोमला बायो। उनाव गावसोरनो खस्थ मोनफिन नाडो। बे समावनो रमायना बिमाया हाबफैनानै आं बुंनाय बाश्त्राखौ खोनानायसै। बियो आंखौ रागा जोंनानै बुंनायसै नों जोंनि नखरनि फासैं दासान बेफोर जों बिमा-बिफानि दायथ'। नोंखौथ' नोंनि नोमा-नॉमफाया हाबा हरनो हागोनना हाया ईसोरासो मिथिगौ। नों बायदि दावखाखौ सोर सेंग्राया लांनांगौ। आंनि रमायनाया बेसेबादि रमायना नोंनि खाथियाव थानोनो समाया। हाजार हाजार सेंग्राफ्रा खारफायो आंनि फिसाजोजों। रमायना: गावनानै, आयै नों मानो बिदि बुडो। आंबो गावफ्रामनानै आरो बुंनायसै मादै खोनासं दानि जुगाव रमायनाब्ला' जाया गियान आरो सोलेंथायनि फासैं जौगानायासो बांसिन गोनां। रमायना आं थांनोसै नोंनि हाबायावल' आं फैनोसै।

फिसाजोखौ लानानै थाफैदोंमोन। नाथाय बिमा-बिफायाबो रमायनाखौ थांफिन्नो सामफ्रामबो थिनबाय थायो। बिमा बिफाया रमायनाखौ नआव थायोब्ला गावनि फिसाजो सानैखौ रावनोबो हाबा हरनो हानाय नख सानो। रमायनाया थांफिन्दोंमोनबो नाथाय थांफिन्नानै बांसिनसो साजा होजादोंमोन। रमायना फिसाया रमायनानो गान्नाय जोमन्नायाथ' गोजानावबाव जानाय आदारखौनो होया होया खालामबाय। गावहा गाव गोसो थोबावनाय हिनजावनाव ओंखामखौ जानानै नआव माइरंखौनो होफैया, होफैयोब्लाबो गावनि फिसाजोखौ अन्नानै फवासेल' लाबोयोमोन। बेखौनो सान्ने जानो थोनोमोन। रमायनाया गाव रानथाव खुथाव थांनानैब्लाबो फिसाजोनो बेखौनो संनानै होयोमोन। नाथाय रमायनाया बेबायदि जेंनाखौ बारा बारा सहायनो हायैनि थाखाय सानसेखालि बियो गावखौनो अरजों सावनानै लाबाय।

ल।इ।ज।म।ख। रमायनाया गाव थैनायनि सिगां आंनो लिरजोबदोंमोन गासैबो बाश्त्राखौनो। बियो लाइजामनि गाहायाव आंखौ मोनसे खावलाय हरदों-लोगो नों हायोब्ला आंनि फिसाजो अनसुलिखौ लायनानै लाफै, आं सानो बियो बि फाजों माब्लाबाबो गोजोन थानो हानाय नख आरो आंनि आय आफानाव दोनोब्लाबो बिखौ देरस्लाबा जासे हाबा हरनोसो नागिरगोन। नों आंनि फिसाजोखौ नों बायदि गावनि आथिडाव गसंनो हानाय खालाम। नंगौ लोगो, जोंबो हिनजाव जानानै गाव गावनि आथिडाव गसंनो हायाब्ला हौवाफोरनि सायावल' लामा नाइनानै थायोब्ला जों गावखौनो गाब्रनानै लायो लोगो, नों आंनि जोबथा आसा खालाम हरनायखौ दानेवसि।

बे समावनो आंखौ रमायना बिनावाव लिंफैनायसै आब' नोंखौ जोंनाव दानो लेंहरदों। आबनि गोथै सहखौ (6 बिलाइआव)

ल।इ।ज।म।ख। रमायनाया गाव थैनायनि सिगां आंनो लिरजोबदोंमोन गासैबो बाश्त्राखौनो। बियो लाइजामनि गाहायाव आंखौ मोनसे खावलाय हरदों-लोगो नों हायोब्ला आंनि फिसाजो अनसुलिखौ लायनानै लाफै, आं सानो बियो बि फाजों माब्लाबाबो गोजोन थानो हानाय नख आरो आंनि आय आफानाव दोनोब्लाबो बिखौ देरस्लाबा जासे हाबा हरनोसो नागिरगोन। नों आंनि फिसाजोखौ नों बायदि गावनि आथिडाव गसंनो हानाय खालाम। नंगौ लोगो, जोंबो हिनजाव जानानै गाव गावनि आथिडाव गसंनो हायाब्ला हौवाफोरनि सायावल' लामा नाइनानै थायोब्ला जों गावखौनो गाब्रनानै लायो लोगो, नों आंनि जोबथा आसा खालाम हरनायखौ दानेवसि।

बे समावनो आंखौ रमायना बिनावाव लिंफैनायसै आब' नोंखौ जोंनाव दानो लेंहरदों। आबनि गोथै सहखौ (6 बिलाइआव)

ल।इ।ज।म।ख। रमायनाया गाव थैनायनि सिगां आंनो लिरजोबदोंमोन गासैबो बाश्त्राखौनो। बियो लाइजामनि गाहायाव आंखौ मोनसे खावलाय हरदों-लोगो नों हायोब्ला आंनि फिसाजो अनसुलिखौ लायनानै लाफै, आं सानो बियो बि फाजों माब्लाबाबो गोजोन थानो हानाय नख आरो आंनि आय आफानाव दोनोब्लाबो बिखौ देरस्लाबा जासे हाबा हरनोसो नागिरगोन। नों आंनि फिसाजोखौ नों बायदि गावनि आथिडाव गसंनो हानाय खालाम। नंगौ लोगो, जोंबो हिनजाव जानानै गाव गावनि आथिडाव गसंनो हायाब्ला हौवाफोरनि सायावल' लामा नाइनानै थायोब्ला जों गावखौनो गाब्रनानै लायो लोगो, नों आंनि जोबथा आसा खालाम हरनायखौ दानेवसि।

माहाम देहानि राहा

भिन्दिआ देहानि लिस्थाइखौ बाडाइ खालामनायाव मदत होयो

भिन्दिआव थोजासे बिर्बानि भिटामिन सिखौ मोन्नाय जायो। जुदि सानफ्रोमबो 100 ग्राम भिन्दिखौ जायोब्ला, बडिनि थाखाय भिटामिन सिनि गुणखौ 38 जौखोन्दो मोनो हायो। गोबां सुबुंफोरानो मिबथियोदि, भिटामिन सिआ माखासे बेरामफोर आरो इन्फेक्सनफ्राय रैखाथि होनायाव मदत गोनां जायो। भिटामिन सिजों माखासे गुणफोरखौ मोन्नायनि अनगायै बेजों देहानि लिस्थाइयाबो कन्ट्रलआव थायो। बेयो मोनसे औरैबायदि गोथां मैगं जायजों माखासे बेरामफोरा जानगार जायो। ब्लाड सुगारखौ कन्ट्रल खालामनायावबो बेयो गोबां मुलाम्फा गोनां। फारसेथिं डायबिटिसनि बेरामिफोरनि थाखायबो भिन्दिआ गोबां



मुलाम्फा गोनां। देहानि लिस्थाइखौ बाडाइ खालामनायाव भिन्दिआ गोबां मुलाम्फा गोनां। मख'नो गोनांदि, बे मैगंआव फाइबरनि गुणखौ थोजासे बिर्बानि मोन्नाय जायो। बेबायदियाव बेखौ जायोब्ला, देहानि लिस्थाइखौ कन्ट्रलआव लाखिनो हायो। बे मैगंआव केल'रिखौ मोन्नाय नडा, जायजों देहानि लिस्थाइखौ बाडाइ खालामनायाव मदत मोनो। केन्सार बेरामनि थाखायबो बियो गोबां मुलाम्फा

गोनां। जुदि बेखौ डाइटआव लाफायोब्ला, बेजों मैगनआव थानाय जेनाफोरा जानगार जायो आरो मैगननि थाखाय मुलाम्फा गोनां जायो। फारसेथिं डायबेटिस बेरामिफोरा गाव गावनि डाइटआव बेखौ लाफादेरोब्ला, ब्लाड सुगारआ कन्ट्रलआव थायो। गोब्राब बेरामिफोरा बेखौ जानायनि सिगां गाव गावनि डक्टरनिफ्राय सुबुन लाग्रोनाया मोजां।□

ये दिल आशिकाना सावथुनआव (पुजा) नि फाव खालामनाय फावखुंग्रि जिभिदा शर्मानि नुथाया गोबां सोलायबाय

समजों लोगोसे गोबां सावथुन स्टारफोर दं जाय गोमोलानो हमबाय। बेनि सायाव बिथा खालामनानै दिने नोंथांमोनो फावखुंग्रि जिभिदा शर्मानि बागै खोन्थानो थांगासिनो, जाय 23 बोसोर सिगां फोसाव जानाय सावथुन 'ये दिल आशिकाना'आव पुजानि फाव खालामदोंमोन। सोलायनाय समजों लोगोसे जिभिदानि नुथाया आबुडे सोलायबाय। 44 बोसोर बैसोआव बिथांजोखौ सिगांनिखुइ बांसिन समायना आरो हट नुनो मोनो। बेखौ समाजारि बिजोडव मोननो हानाय बिथांजोनि गोदानसिन सावगारिफोरनिफ्राय हमनो हायो। जेना गैयै मोखां आरो गुस्थिनि सिडव गोसोम सबाइ बिमाआ जिभिदा शर्मानि समायना महरनि फोरमान होयोमोन। दायो बेयो हटनेसआव सोलायबाय। आथिखालाव सावथुन मुलुगनिफ्राय ब्रेकआव दड। जिभिदाआ गावनि ससियेल मिडिया हेन्डेल इनस्टाग्रामआव एक्टिब जानानै दं। बेयाव बिथांजोआ गावनि गोदानसिन फट' आरो भिडिय'फोरखौ फ्राय सानफ्रोमबो सेयार खालामो। बैफोर सावगारिफोरखौ नायनानै नोंथाड गोरलैयैनो बेखौ फोजोबनो हायो दि, जिभिदाआ सिगांनिखुइ हटसिन आरो समायनासिन जाबाय। बांलानाय बैसोजों लोगोसे बिथानि समायनाया आरोबाव बांसिनबावदों, जाय अन्सायगिरिफोरनि गोसोखो देरहानो थाखाय थोजासे। गोबां समावनो, जिभिदा शर्माआ गावनि समायना नुथायजों इन्टरनेटआव दोहौ सोमजिहोयो आरो बिथानि पस्टफोरा सानफ्रोमबो भाइरेल जायो। जिभिदा शर्मानि हट नुथायनि अनगायैबो,

हलिउडनि मुंदांखा स्टार टम क्रुजआ मिशन इम्पसिबल सावथुननि माखासे पट' शेयार खालामदों

टम क्रुजनि 'मिशन: इम्पसिबल'नि गिबि बाहागोआ 30 बोसोर जाबाय। बावैसो बे फारिनि जोबथा सावथुन मिशन: इम्पोसिबल- दा फाइनल रेकर्निंखौ फोसावनाय जादों। हास्थायगिरिफोरा गावसोरनि मोजां मोनजासिन्नाय फावखुंगुरखौ स्क्रिनआव एक्शन दिन्थिफुंनायखौ नायनो थाखाय गोसो गुदु' जादोंमोन आरो बिथांमोनहा बिथांखौ गुवारै बाखायदों। ई 1996 माइथायाव टम क्रुजआ गिबि खेब मिशन इम्पसिबल सावथुनआव एजेन्ट इथान हन्ट महरै नुजादोंमोन। बेयो बिथानि जिउ राहाखौल' सोलायहोयाखैमोन नाथाय एक्शन सावथुनफोरखौ अरायनि थाखाय नायनायनि आदबखौबो सोलायहोदोंमोन। आथिखालाव जोबथा बाहागोनि उनाव, फावखुंगुरआ मोनसे पस्टनि गेजेरजों बै मोनदांथिखौ गोसोखांदोंमोन आरो बेखौ मोनसे जिउनां साहस महरै बरनायदोंमोन। 62 बोसोर बैसोनि फावखुंगुरआ ई 1996 माइथायनिफ्राय 8 'मिशन: इम्पसिबल' सावथुनफोरखौ फोसावदोंमोन। आथिखालाव टमआ समाजारि बिजोडव माखासे सावगारिफोर सेयार खालामदों जाय मिशन:



इम्पसिबल फ्रेन्चाइजीनि गोजाम गोसोखांथिफोरखौ गोदान खालामो, जेयव बैफोर गासिबो दिथागिरिफोरजों सावगारिफोर दं जायफोरजों बिथाड बैफोर सावथुनफोराव खामानि मावदोंमोन। बेजों लोगोसे, एक्शनजों बुंफबनाय बुब्लिफोर आरो फैसालिनि उननि नुथायफोरखौबो दिन्थिनाय

सावथुनफोराव खामानि मावदोंमोन। बेजों लोगोसे, एक्शनजों बुंफबनाय बुब्लिफोर आरो फैसालिनि उननि नुथायफोरखौबो दिन्थिनाय

मिसन इम्पजिबल दा फाइनाल रेकर्निं सावथुनआ पुष्पा 2 नि रेकर्डखौ सिफायनानै बक्स अफिसखौ आवग्रिबाय

बलीउडआव दासिम बयनिखुइबो बांसिन खामायनो हानाय सावथुनफोरनि गेजेराव मोनसआ जादों पुष्पा 2 (दा रल)। बेयो मोनसे रेकर्ड, जायखौ दासिमबो रावबो सिफायनो हायाखै। बबेखानि मोनसे जोबोद आसा खालामजानाय हलीउड सावथुनआ खालि 15 साननि गेजेरावनो पुष्पा 2 नि जिउनां बुधुमनायखौ बारलांबाय। बे सावथुनआनो जादों मिसन इम्पसिबल दा फाइनाल रेकर्निं, जाय बयनिखुइबो गोलावसिन सोलिबाय थानाय



फ्रेन्चाइजीफोरनि गेजेराव मोनसे। बेयो मिसन इम्पसिबल फ्रेन्चाइजीनि दाइनथि सावथुन, जाय आथिखालाव मुलुगनां बक्स अफिसआव सासन खालामगासिनो दं। बे सावथुनआ थानाय 17 मेआव

अजय देबगानि सावथुन 'रेड 2'आ 31 सानआवबो मोजां कालेक्सन खालामनो हादों

बलिउडनि फावखुंगुर अजय देबगानआ गावनि गोहोगोरा फाव खालामनायनि थाखाय मिबथिजायो। बिथाड एक्शननिफ्राय लानानै कमेडिसिम बायदि रोखोमनि फाव खालामनायाव आखा-फाखा। सावथुन मोजां मोनग्राफोरा बि-टाउनआव बिथानि फ्रेन्चाइजी सावथुनफोरखौ गोसो गुदुडै नेयो। आथिखालाव फावखुंगुरआ गावनि सावथुन रेडनि सिक्वेलेनि थाखाय स्पटलाइटआव दं, जायनि मुख रेड 2। बे सावथुनखौ सिगांनिफ्रायनो बोसोरनि बयनिखुइ बांसिन खामायनो हानाय सावथुनफोरनि फारिलाइआव सोफादेरनाय जाबाय। 1 मेआव, अजय देबगानआ गावनि बयनिखुइबो नेनाय सावथुन रेड 2 जों थियेटरफोराव गावनि नुजाथिनायखौ मोन्दांनो हादोंमोन। बिनि सिगाडव



बिथांखौ आजादआव नुनो मोननाय जादोंमोन जाय राशा थडानी आरो अमन देबगाननि जागायजेन्नायखौ दिन्थियो। जिखिजायामानो बे सावथुना बक्स अफिसआव फ्लप' फोरमान जादोंमोन। नाथाय बेयो अ.ट.ी.ट.ी.आव नायगिरिफोरनिफ्राय अन्सायनाय मोनदों। बिथानि बावैसो

फोसावनाया बक्स अफिसआव गासैबो आरजिनाय रेकर्डफोरखौ सिफायगासिनो दं। इंराजि सावथुनफोरनि अनगा बलिउडनि मोनसेबो सावथुना रेड 2 नि गोखैथिजों गोरोबनो हाया। अजय देबगाननि 'रेड 2'आ गिबि सानाव भारतआव 19.25 कौटि रां बुधुमदोंमोन, जाय बे बोसोराव फोसावजानाय

प्रतीक गान्धीआ फैनो गोनां वेब सिरिज 'गान्धी'आव महात्मा गान्धीनि फाव खालामगोन

मुंदांखा हिन्दी सावथुननि फावखुंगुर प्रतीक गान्धीआ आथिखालाव मोनसे औरैबायदि समनि गेजेरजों थांगासिनो दं जेराव बिथाड नंगुबै फावफोरजों लोगोसे फेस्ता आरो रमान्टिक सावथुनफोरावबो खामानि मावनो खाबु मोनगासिनो दं। सावथुन दिहुनगिरिफोरा बिथांखौ खनफ्रोमबो गुबुन-गुबुन रोखोमाव नायगासिनो दं। बेयो बिथांनो गोजोननाय होयो। बिथाड बुडोदि, जेब्ला सासे सावथुन बानायगिरिआ नोंखौ फोथायो अब्ला गोसोआव थुलुंगानाय फैयोदि, आं बेखौ मावनो हागोन। आं खालि सुबुंफोरखौल' खामानि लानानै आनि खाथियाव फैनायखौ नेगासिनो दंमोन। जौनि खावसे समआ सुबुंफोरखौ फोथायहोनायाव बारहोदोंमोन दि, जों मोजां आरो गुबुन-गुबुन हाबा मावनो हायो। बेनिखायनो जों माब्लाबाबो दिन्थिफुंनो सम मोनाखै। बेयो आनि थाखाय



मोजां सम। गोबां लिरगिरिफोर दं जाय बुडो दि, जेब्ला जों सल'खौ लिरदोंमोन, अब्ला जों नोंथानि बागै सानदों। सासे फावगिरिनो बेनिखुइ बांसिन मा नांगौ? फैबाय थानाय सानफोराव प्रतीकखौ हन्सल मेहतानि वेब सिरिज 'गान्धी'आव महात्मा गान्धीनि फाव खालामनाय नुनो मोनगोन। बिथाड महात्मा गान्धीनि आखुखौ गोबां खेब स्टेजआवबो दिन्थिखांबाय। मोनसे सोंथियाव प्रतीकआ बुडोदि, आं गावखौ खाफाल गोनां सानो दि, थानाय 10-12 बोसोरनिफ्राय आं महनदास

सावथुन 'ठग्स अफ हिन्दुस्तान' नि फेलें जानायखौ आमिर खानआ सिगांनो हमदांनो हादोंमोन

आमिर खान जायखौ मिस्टार परफेक्शनिस्ट मुडै मिथिनाय जायो। बिथाडानि मुडाव गोबां सुपारहिट सावथुनफोर दड। नाथाय बिथाड थानाय 8 बोसोरनिफ्राय मोनसे हिट जानायखौ नागिरगासिनो दड। बिथानि सावथुन ठग्स अफ हिन्दुस्तानआ गाब्रिअै सावरायजादोंमोन आरो बक्स अफिसआव फेले जादोंमोन। भिजय कृष्ण आचार्यजों दिथाहोजानाय सावथुनआ बै बोसोरनि जाफुंसार सावथुनफोरनि गेजेराव



मोनसेमोन। बे सावथुननि उनाव फावखुंगुरआ 5 बोसोरनि ब्रेक लायो। बावैसो आमिर खानआ फोस्मायदों दि, बिथाड हमदांनो हादोंमोन दि ठग्स अफ हिन्दुस्तान सावथुनआ रिलीज जानायनि सिगांनो फ्लप' जागोन। बिथाड गावनि सिगांनि बिसि किरण रावनोबो बे बाथ्राखौ फोस्मायदोंमोन। मोनसे बाथ्रा सावरायज्जालानायाव आमिर खानआ बुंदोंदि, आं ठग्स अफ हिन्दुस्तानखौबो मोजां मोनाखैमोन। दिने आं बेनि सोमोन्दै खुलायै बुनो हायो। आं आदित्य चप्रा (दिहुनगिरि) जों जोबोद नाजादोंमोन। जेब्ला सावथुनखौ फोसावनाय जागासिनो दंमोन, आं गावनो खुसि नडमोन। किरणआ मिथिगौ दि, जेब्ला आनि सावथुनआ रिलिज जायो, आं दान मोननै उनदुनो हाया, आनि गोसोआ अभारटाइम खामानि मावबाय थायो। आमिर खानआ आरोबाव बेखेखेना होदोंमोन दि,

माबोरै बिथांहा ठग्स अफ हिन्दुस्ताननि थाखाय जेबो रंजानाय गैयामोन आरो रिलिजनि सिगांनो बेनि फेलें जानायखौ हमदांनो हादोंमोन। फावखुंगुरनि बायदिब्ला, किरणआ आंनो बुंदोंमोन, रिलिजआ खाथियाव आरो नोंथाड गोजोनै उन्दुगासिनो दं? मा सोलिगासिनो दं? आं बिखौ बुंदोंमोन, किरण, आं मिथिगौ बे सावथुनआ खामानि होनाय नडा। आंहा जेबो रंजानाय एबा आसा गैया दि, सुबुंफोरा सावथुनखौ नायगोन। आनि गोसोआ दोबैदोंमोन दि, सुबुंफोरा बे सावथुनखौ नायगोन। आमिरआ बुंदोंदि, आं गावनो सावथुनजों गोजेन्नय मोनाखै। नाथाय जेब्ला दिहुनगिरि आरो दिथागिरिया खुसि जायो, अब्ला आं मा खालामनो हायो? नाथाय आं बिसोरखौ दायनिगिरि खालामा। बेयो मोनसे सोरजिलु हाबा। नोंथाड नोंथानि सिनि गियानजौल' थानो हायो।□

